

ցընում է ազատամբական դրոշակը: Իրերի մէջ, Նիցցայում սարքուած ազգային երեկոյթից մնացած, մեծ մի եռագոյն դրոշակ է գտնում եւ խոհանոցի առջեւ կախում:

— Էլ չասես, որ վարագոյր չկայ:

Սաթօ ջան դու մեզ պիտի կործանես: Դրոշակը, Դաշնակցական դրոշակը, նայում է դրան, դուռը նայում է փողոցին, փողոցը նայում է միլիցիականներէ զբառենեակին, զբասենեակը Չեկային, Չեկան պետութեան, պետութիւնը Մոսկուային, Մոսկուան Լենինին, Լենինը դամբարանի ձեղունին... Տես բանը ո՞ւր կարող է գնալ:

Բայց Սաթօն յամառ —

— Իսկի էլ մի վախիւր, միլիցիականները իզդիբրի են, Դրօի հայրը էստեղ ա... մեր բաղը...

Այն օրուանից ի վեր, բոլոր ծանօթներս հազիւ դուռը բաց են անում, մնում են քարացած:

— Վտանգաւոր է:

— Չէ՛... Հը՛... մը՛... Դէ ի՞նչ կայ որ...

Եւ խօսում են ուրիշ բանի մասին:

Ես անհանգիստ եմ: Նրբանցքի մէջ պոռացող այդ գոյները, բոցավառ այդ նշանները, տրամութիւն եւ վախ են ողջունում:

Իսկ կանայք նայում են կտաւին: Առաջնակա՛րդ: Հայաստանը տակնուվրայ անես՝ աշխարհի կտաւ չես գտնիր: Դրանի՞ց էլ լաւ վարագոյր...

Մեծ վիճարանութիւններից յետոյ վերջապէս դալիս ենք համաձայնութեան՝ գոյները տեղափոխել:

Պետութիւնը այլեւս կարող է հանգիստ լինել: Պահանջում թէպէտ լուրիան եռում է եռագոյնի մօտ, սակայն, գոյները փոխել են իրենց տեղը եւ Պորհրդային աշխարհի հիմքերը փլուզումի վտանգից զերծ են...

— Սաթօ, փողոցի դուռը բա՛ց արա, որ հոտը դուրս գնայ:

Էլ վախ չունենք:

Եւ լուրիայի հոտը գնում խառնւում է փողոցի ուրիշ կծու եւ դառն հոտերին: Ու եռագոյնը նոյնպէս, իր բանտի միջից, ճառագայթների վրայ սահելով, սողում է դուրս, օդի հե-

ռաւոր հայելիների մէջ արտացոլւում, պատերի տակ բոց շարժում, տանիքների վրայ վերջնալույսեր ցցում եւ, ո՞վ է իմանում, ո՞վ է իմանում, ապահովապէս՝ յօրանջող, ծոյլ եւ խորամանկ միլիցիականներէ դէմքի վրայ կասկած հովահարում եւ պատերի տակ կոկորդիլոսի բիբեր շարժում:

Այսօրուան օրս, բոլոր պատերը վար նետուած են:

Ականջներում անթել հեռագիրը բոյն է դրել, եւ ամենամանջան ձայները մեծանում եւ ուռչում են: Ամէն աչք հեռագրիտակ է, որովհետեւ երբեք աստղերը մարդկային սրտից այդքան չէին հեռացած:

Պետութիւնը նայում է փողոցին, փողոցը աչքը յառում է պատուհանի ծակից եւ դիտում է Սաթոյի ձեռքին շարժուող աւելը. իսկ Սաթօն ծիծաղում է գրպանիս մէջ ուռած միլիարդների վրայ եւ զարմանում է, որ արտասահմանից ոսկի չեմ բերել:

Պուլ այդ դրաման իրականի մէջ սրտառու է մի մեթոդամա է: Դաշնամուրը ընկերակցում է օրուան բոլոր դէպքերին: Ժան Լաֆորգի փողոցներում փնտռած մեթոդաւոր ձայները սենեակիս մէջ աղմկալից միտինդ են կաղմել եւ պապա Չեքին՝ շա՛ն որդին՝ մեծ աղմուկով ապակի է փշրում: Երբ Պրատոնը դրում էր իր «Հանրապետութիւնը», դաշնամուրը դեռ հնարում չէր, թէ չէ բանաստեղծների հետ միասին նա կը վտարէր ե՛ւ դաշնակահարերը: Այդ մասին կասկած չունիմ:

Ընտանեկան իրիլիան...

Բեթհովինը, սեւ մի դադաղի առջեւ նըստած, ջրվէժներին նշան է անում, մրրիկներ բաց թողնում, անտառներ շարժում եւ ձեռքը սրտին սեղմած հեծկտում:

Եռագոյն դրոշակի ետեւ պնակները ծընծաների նման աղմկում են, լուսնոյ խաւարումի սատանան փախցնելու ժամանակուան պէս:

Սենեակի միւս անկիւնում, բարբարոսները մեկնում են պատերազմ եւ երախտները, թիթեղէ տուփերի վրայ զարնելով, որոշում են Դարսը ետ առնել:

Ես, գրիչս ձեռքիս, ներշնչում եմ որոնում: